

一中分出故聖人獨抱此以為天下法式焉

不自見故明

莫見乎隱

不自是故彰

莫顯乎微

不自伐故有功

無伐善不自歸

自矜故長

無施勞能不危

夫惟不爭故天下莫與之爭

我尚自忘何况非我

又曰聖人抱一如是可謂明矣而究不自以為明也彼目能見物不能自見自見為目則反不明故不自以為明明斯遠也而由是不自以為是人必是之人是之則明彰矣不自伐其功人必以功歸之公益著矣不自矜夸其長人必即其長而欽之長愈永矣凡此不自見不自是不自伐不自矜是皆所謂不爭也夫惟不爭天下亦孰能與之爭哉漢高帝鴻門不與項爭而垓下遂無有與之爭者此類可推

藏輯要

道德經解

三

心集一

古之所謂曲則全者

性不窮

豈虛言哉

正非虛妄

誠全而歸之

歸本復初

又曰通章主意原在首句故未亦單結言古之所謂曲則全者豈虛語哉無曲弗全內以全身外以全物皆全也欲全萬物而有不歸之於道即有不歸之於曲也哉即如人之一身五臟六腑以及四肢皆曲而是身賴以常全則曲而能全更瞭如矣

虛無章第二十三

希言自然

妙音希聲

玉華帝君注曰希言即簡言之謂道重離默以簡為貴世人弗知此道而煩稱博引不適於中多致牽強非自然也惟聖

人希言適合自然雖淡而愈旨也

飄風不終朝狂則不久驟雨不終日躁則徒為孰為此者是誰主宰天地而已

天地尚不能久非乾坤無非幻化而況於人乎法禁躁妄

又曰自辰至巳曰終朝自旦至暮曰終日言夸鬪之徒牽強

求合其言不可以取信譬之飄風驟雨不過陰陽一時亢伏

之氣不終朝終日而旋止也夫此為飄驟風雨者為誰乃天

地也天地亢伏之氣且不能久而況於人乎

故從事於道者順理道者同於道通乎物也德者同於德忘乎我也失者

同於失齊得喪也同於道者道亦樂得之逍遙無累同於德者德亦樂得

之隨在同於失者失亦樂得之順其自然信不足焉吾斯未信不信焉

道藏輯要

道德經解

三

心集一

因惑生疑

又曰惟其然則道尚矣故從事於道者道則同於道德則同

於德失則同於失同於道則樂得道矣同於德則樂得德矣

即不幸而同於失則亦道中之失耳故有所失則亦樂居此

失也此即某幸有過之意言道之可樂可貴如是而人乃疑

之道根淺而信不足故也惟信不足益以不信矣

苦恩章第二十四

踐者不立躑躅無功跨者不行欲速不達自見者不明不能晦德自是者不彰

不能謙下自伐者無功不能克已自矜者不長不能含容

玉華帝君注曰跋翹足也跨如跨馬之跨兩腿崩開之謂言